

Na osnovu člana 15 stav (2) Zakona o Graničnoj policiji Bosne i Hercegovine («Službeni glasnik BiH», broj: 50/04, 27/07 i 59/09) i člana 61. stav 2. Zakona o upravi („Službeni glasnik BiH“, broj 32/02), («Službeni glasnik BiH» broj 32/02 i 102/09), a u vezi sa Pravilima za konsultacije u izradi pravnih propisa («Službeni glasnik BiH» broj: 5/17) i članom 75. Jedinstvenih pravila za izradu pravnih propisa u institucijama Bosne i Hercegovine («Službeni glasnik BiH» broj: 11/05, 58/14 i 60/14), direktor Granične policije Bosne i Hercegovine, d o n o s i

**INSTRUKCIJU  
ZA PROVOĐENJE PRAVILA ZA KONSULTACIJE U IZRADI PRAVNIH PROPISA  
U GRANIČNOJ POLICIJI BOSNE I HERCEGOVINE**

**Član 1.  
(Predmet instrukcije)**

Ovom instrukcijom za provođenje pravila za konsultacije u izradi pravnih propisa (u daljem tekstu: instrukcija) propisuju se postupci Granične policije Bosne i Hercegovine (u daljem tekstu: GP BiH) za provođenje konsultacija u izradi pravnih propisa iz nadležnosti GP BiH, a koji su predviđeni Pravilima za konsultacije u izradi pravnih propisa (u daljem tekstu: Pravila) i Jedinstvenim pravilima za izradu pravnih propisa u institucijama Bosne i Hercegovine (u daljem tekstu: Jedinstvena Pravila).

**Član 2.  
(Svrha donošenja instrukcije)**

Svrha donošenja instrukcije je razumijevanje stvarnog učinka normativno-pravnih aktivnosti, kvaliteta pravnih propisa i drugih akata, usklađenost pravnih propisa i drugih akata sa pravnim okvirom, koordinacija i razumijevanje među partnerskim institucijama, efikasnost i efektivnost GP BiH u ovom domenu, mogućnost davanja komentara od strane javnosti.

**Član 4.  
(Minimalne obaveze u pogledu konsultacija)**

- (1) U skladu sa članom 7. Pravila, GP BiH će na internet stranici i web aplikaciji eKonsultacije objavljivati propise i druge akte iz svoje nadležnosti u formi prednacrt, uz pružanje mogućnosti za dostavu komentara u roku od najmanje 15 dana od kada je prednacrt postavljen na web aplikaciju eKonsultacije.
- (2) Uz prijedloge propisa ili drugih akata mora biti priloženo i obrazloženje u kojem je objašnjena potreba za donošenjem propisa ili drugog akta iz stava (1) ovog člana i druge ključne informacije.
- (3) GP BiH elektronski ili putem pošte obavještava fizička i pravna lica sa Spiska osoba zainteresovanih za konsultacije o tome da mogu preuzeti prednacrt propisa ili drugog akta.
- (4) GP BiH imenuje koordinadora i zamjenika koordinadora za konsultacije radi ispunjavanja obaveza GP BiH u provođenju konsultacija.
- (5) Za provođenje konsultacija o određenom propisu odlukom se imenuje voditelj konsultacija koji je odgovoran za provođenje konsultacija o tom propisu, a ukoliko odlukom rukovodioca nije određen voditelj postupka za provođenje konsultacija o tom propisu odgovoran je rukovodilac radne grupe.

- (6) Za propise ili druge akte koji imaju značajan uticaj na javnost, pored minimalne obaveze u pogledu konsultacija mogu se provesti i dodatne konsultacije, a rok za dostavljanje prijedloga i primjedbi ne može biti kraći od 30 dana, od dana kada je prednacrt postavljen na web aplikaciju eKonsultacije.

#### **Član 5.**

##### **(Spisak osoba zainteresovanih za konsultacije)**

GP BiH na internet stranici vodi i ažurira spisak pravnih i fizičkih osoba zainteresovanih za normativne aktivnosti GP BiH, koje su se prijavile na popis registrovanjem na web aplikaciji eKonsultacije.

#### **Član 6.**

##### **(Planirane normativne aktivnosti)**

- (1) GP BiH svake godine na svojoj službenoj internet stranici i web aplikaciji eKonsultacije objavljuje Plan izrade propisa i drugih aktata, kao dio godišnjeg programa rada GP BiH.
- (2) Propisi koji imaju značajan uticaj na javnost posebno se označavaju u Planu iz stava (1) ovog člana.

#### **Član 7.**

##### **(Izjava za Vijeće ministara BiH)**

- (1) GP BiH uz nacrt pravnog propisa koji se dostavlja Vijeću ministara Bosne i Hercegovine, prilaže pisani podnesak odnosno izjavu kojom:
  - a) izjavljuje da su ispunjene minimalne obaveze u pogledu konsultacija pravilima,
  - b) izjavljuje da li nacrt ili prijedlog propisa ili drugog akta ima značajnog uticaja na javnost ili ne, te obrazlaže svoj zaključak,
  - c) obrazlaže odluku o obliku dodatnih konsultacija koju je donijela i opisuje dodatne konsultacije koje je izvršila,
  - d) izjavljuje da prilaže izvještaj o provedenim konsultacijama.
- (2) Primjerak Izjave dat je na obrascu koji je Prilog broj 1. i čini sastavni dio ove instrukcije.

#### **Član 8.**

##### **(Izvještaj o provedenim konsultacijama)**

- (1) Izvještaj o provedenim konsultacijama sadrži: sumarni pregled osnovnih pitanja koja su se javila tokom konsultacija, stajališta koja su u vezi s ovim pitanjima zagovarana od strane učesnika konsultacija, te obrazloženje stavova koje je GP BiH zauzela u vezi ovih pitanja.
- (2) Izvještaj iz stava (1) ovog člana sastavni je dio obrazloženja propisa ili drugog akta odnosno izvještaja o provedenoj sveobuhvatnoj procjeni uticaja propisa koji zamjenjuje obrazloženje propisa ili drugog akta.

#### **Član 9.**

##### **(Izuzimanje od obaveze provođenja konsultacija)**

- (1) Izuzetno direktor GP BiH može izuzeti GP BiH od obaveze provođenja konsultacija ukoliko ocijeni da je to opravdano zbog:
  - a) hitnih okolnosti radi zaštite zdravlja i sigurnosti građana i imovine ili potrebe usvajanja budžeta;
  - b) nepredviđene međunarodne obaveze;
  - c) sudskog poništenja dijela ili cjelokupnog propisa.

- (2) Prijedlog za oslobođenje od obaveze provođenja konsultacija, direktor GP BiH dostavlja Vijeću ministara BiH, navodeći jedan ili više razloga za izuzeće iz stava (1) ovog člana.
- (3) Bez prethodno pribavljenog zaključka Vijeća ministara BiH, GP BiH ne može biti izuzeta od obaveze u pogledu konsultacija.

**Član 10.**  
**(Primjena instrukcije)**

Ova instrukcija se primjenjuje u svim organizacionim jedinicama GP BiH.

**Član 11.**  
**(Prestanak važenja)**

Stupanjem na snagu ove instrukcije prestaje važiti Instrukcija za provođenje pravila za konsultacije u izradi pravnih propisa u Graničnoj policiji Bosne i Hercegovine broj: 17-06-1-04-28-1998-3/15 od 29.03.2016. godine

**Član 12.**  
**(Stupanje na snagu)**

Instrukcija stupa na snagu danom donošenja.

Broj: 17-06-1-02-2-1923/17  
Datum: 29.05.2017. g.



## OBRAZAC IZJAVE

Na osnovu člana 22. Pravila za konsultacije u izradi pravnih propisa („Službeni glasnik BiH“, br. 5/17), direktor Granične policije Bosne i Hercegovine uz nacrt \_\_\_\_\_, d a j e

## IZJAVU

1.	Minimalne obaveze u pogledu konsultacija	
2.	Obrazloženje mišljenja da li pravni propis ima značajnog uticaja na javnost ili ne	
3.	Obrazloženje odluke o dodatnim konsultacijama	
4.	Izveštaj GP BiH o provedenim konsultacijama u skladu sa članom 21. Pravila za konsultacije u izradi pravnih propisa, pripremila Izveštaj.	
5.	Ostale informacije	

Broj:  
Datum:

DIREKTOR  
Glavni generalni inspektor